

STATUTAS dil CLUB DA SKIS TRUN

1. Num, domicil ed intent

Art. 1

Sut il num Club da skis Trun, el suandont scursaniu CST cun domicil a Trun, exista in'uniun tenor art. 60 ff dil cudisch civil Svizzer.

Art. 2

Il CST promova ed augmenta il sport da skis en la vischnaunca da Trun:

- (a) entras l'instrucziun da skis dalla giuventetgna, en special dils affons da scola
- (b) entras organisar cuors, turas ed instrucziuns insumma en connex cul sport da skis
- (c) entras l'organisaziun da cuorsas
- (d) entras promover il sport d'elita, en spezial cun sustener juniors talentai
- (e) entras arver e mantener las loipas necessarias per cuorsa liunga.

Art. 3

Il CST ei commember da Swiss-Ski e dall'Uniun grischuna da skis (UGS/BSV) e renconuscha lur statuts e reglements.

Las statutas da Swiss-Ski e dall'Uniun grischuna da skis ein ina part integrala dallas statutas dil CST.

2. Commembers, dretgs ed obligaziuns

Art. 4

Il CST secompona da:

(a) Commembers activs (juniors e seniors)

4.1 Commembers activs ein tut quels, che fan part da concurenzas, suttamessas als reglements da Swiss-Ski e dil BSV.

4.2 Mintga commember activ ha il dretg da:

- votar
- vegnir elegius
- seprofitar d'acziuns da Swiss-Ski e dil BSV
- separticipar a scadina occurenza organisada dil CST

4.3 Mintga commember activ ei obligaus da:

- assister alla radunonza generala

- vegnir suenter las obligaziuns finanzialas visavi il club
- segidar tenor meglier saver e puder en tuttas spartas organisatoricas ed auters pensums che sedamondan.

(b) Commembers passivs

- 4.4 Commember passiv sa mintga persuna daventar che sustegn il CST finanziamein cun la contribuziun annuala.
- 4.5 Mintga commember passiv ha ils medems dretgs ed obligaziuns sco in commember activ, excepìu seprofitar d'acziuns da Swiss-Ski e dil BSV.

(c) Commembers honoraris

- 4.6 Commember honorari sa ina persuna ch'ei sefatga grondamein meriteivla per il CST vegnir numnada entras la radunonza generala
- 4.7 In commember honorari gauda dretgs tenor cefra 4.2, ha denton d'ademplir neginas obligaziuns.

(d) Commembers novs e contribuziuns

(e) Etica e Fairplay

Il club renconuscha la carta da l'etica dil sport svizzer cun ils nov principis e s'oblighescha d'observar il statut d'etica da Swiss Olympic e Swiss Sport Integrity.

Tuts commembers dil club – oravontut tuts/as trenaders/as, funcziunaris/as e sportists/as – s'obligeschan dad agir cun respect, fairplay e responsabladad tenor la carta d'etica.

Surpassaments d'etica san ins annunziar, anonim ni cun num tier Swiss Sport Integrity. Quellas vegnan tractadas cunvegnentamein.

Il club sustegn mesiras da prevenziun e promova activamein ina cultura da sport e da club che se basa sin sanadad, segirtad ed integritad.

Art. 5

La damonda da daventar commember ei da drizzar alla suprastonza. Quella decida provisoricamein e tschenta proposta alla proxima radunonza generala, ch'ei cumpetenta da decider definitiv. Commembers che vulan esser recepi provisoricamein pagan la contribuziun annuala pigl onn current, gaudan ils dretgs e han d'ademplir las obligaziuns tenor art. 4 cefra 4.2 e 4.3, exclusiv votar e vegnir elegi.

Art. 6

Commembers novs che vegnan recepi dalla radunonza generala obtegnan las statutas dil CST. Havend pagau il daner d'entrada che vegn fixaus dalla radunonza generala vegn surdau a commembers novs il signet dil CST.

Art. 7

Las contribuziuns dils commembers activs e passivs vegnan fixadas dalla radunonza generala sin proposta dalla suprastonza.

Art. 8

La contribuziun annuala ei da pagar sil pli tard en- tochen la fin fevrer. Contribuziuns che vegnan buca pagadas enteifer il termin stipulau, sa il cassier in- cassar sin via da rimbursament. Ina refusiun dil rimbursament ei motiv sufficient d'exclauder in tal commem- ber dil club.

(f) Extrada ed exclusiun

Art. 9

In'extrada ord il club ei da drizzar a scret alla suprastonza sil pli tard entochen ils 28 de fevrer.

Davart ina exclusiun dil club decida la radunonza generala cun silmeins 2/3 dellas vuschs presentas sin proposta dalla suprastonza.

3. Organisaziun

Art. 10

Ils organs dil club ein:

- a) la radunonza generala
- b) la suprastonza
- c) ils revisurs de quen

La suprastonza ed ils revisurs de quen vegnan elegi en- tras la radunonza generala per 2 onns. Ina reelecziun ei pusseivla. La suprastonza, excepui il president, seconstituescha sesezza.

Ina perioda d'uffeci entscheiva per regla cun la radunonza generala ordinaria.

Commembras e commembers dalla suprastonza exequeschan lur uffeci cul quitaui duu e tenor meglier saver e puder.

La suprastonza agescha sulettamein egl interess dil club.

El cass d'in pusseivel conflict d'interess d'in/a suprastont/a, orientescha quel/la il/la president/a, pren stgisa dalla discussiun e s'abstenta dalla vusch. Plinavon desista la persuna pertuccada da discutir culs consuprastonts davart il conclus. L'abstentaziun dalla vusch el cass d'in conflict d'interess ei da protocollar.

Pertucca il conflict d'interess il/la president/a orientescha quel/la il/la substitut/a.

Snega il/la suprastont/a pertuccau/ada in conflict d'interess decida la suprastonza senza la persuna pertuccada davart sia exclusiun.

Retscheiver regals

En connex cun lur funcziun el CST astgan suprastonts/as buc acceptar privilegis, retscheiver ni surdar regals che survargan ina valor simbolica ni che savessen caschunar quella impressiun.

a) La radunonza generala

Art. 11

La radunonza generala ha liug mintg'onn e quei il meins da mars. Igl onn da quen entscheiva cugl 1. da mars e finescha culs 28 da fevrer. L'invitaziun alla radunonza generala inclus la gliesta da tractandas ein da tarmetter silmeins 8 dis avon a scadin commember. Ella duei medemamein vegnir publicada 8 dis avon sin tabla nera. In cuort preavis duei vegnir publica ca. 20 dis avon la radunonza.

Art. 12

Radunonzas extraordinarias san vegnir convocadas entras la suprastonza ni sin exprimiu giavisch da silmeins 1/5 dils commembers. Concernend publicaziun valan las medemas determinaziuns sco allegau sut art. 11.

Art. 13

Tractandas dalla radunonza generala annuala ein:

- (a) Appel ed elecziun da 2 dumbravuschs
- (b) Protocol
- (c) Rapport annual dil president
- (d) Renda-quen, rapport dils revisurs ed approbaziun
- (e) Fixaziun dallas contribuziuns annualas e dil daner d'intrada
- (f) Relasch ed approbaziun da reglements
- (g) Elecziun dils commembers da suprastonza
- (h) Elecziun da 2 revisurs da quen ed 1 substitut
- (i) Fixaziun ed approbaziun dil program da lavur pigl onn current
- (k) Tractaziun da propostas dalla suprastonza ni commem- bers
- (l) Varia

Art. 14

Propostas da commembers che vulan vegnir risguardadas sin la gliesta da tractandas ein d'inoltrar en scret alla suprastonza entochen ils 28 da fevrer. Sur propostas, che figureschan buca sin gliesta da tractandas, sa la radunonza prender conclus mo, sche quellas ein vegnidas purtadas tier l'aventura dalla radunonza, e sche 2/3 dils commembers giavischan quei. (Amplificaziun dalla gliesta da tractandas)

Art. 15

Ina revisiun parziala ni totala da questas statutas ei resalvada alla radunonza generala. Quella ei habla da decider sche silmeins 2/3 dallas vuschs presentas garegian ei.

- (b) La suprastonza

Art. 16

La suprastonza consista da 5 commembers, numnadamein:

- (a) President
- (b) Actuar (vice.president)
- (c) Cassier
- (d) Cau tecnic (menader da JO e J + S) JO = Organisaziun giuvenila / J+S = giuventetgna e sport
- (e) Survigilader da material

Las schlatteinas duein esser representadas ulivamein ella suprastanza.

La suprastanza ei igl organ executoric dil club. Ella diregia tuttas fatschentas administrativas/organisato-ricas dil club ed ei habal da decider, sche silmeins 3 commembers ein presents.

Art. 17

- (a) Il president survigilescha e coordinescha tuttas fatschentas dil club. El empeila las radunonzas e representa il club anoviars. Medemamein exequescha el tutta corrispondenza, procura pil rapport annual e tegn sigil pil club.
- (b) Igl actuar redegia ils protocols da tuttas radunonzas, sessiuns da suprastanza ed autras sedutas. El remplazza il president en cass d'absenza.
- (c) Il cassier procura il traffic da cassa ed administrescha la facultad dil club. El ei responsabels pigl incasso dallas contribuziuns e dil daner d'intrada, meina la gliesta da commembers e tegn la suttascripziun pil traffic bancari e schec postal.
- (d) Il cau tecnic ei responsabels per tuttas caussas tecnicas che pertuccan l'instrucziun da skis. El ei era cau dalla gruppa d'elita sco dallas gruppas da giuventetgna (JO + J + S).
- (e) Il survigilader da material ha quitau e bien uorden per tut material dil club. El meina la gliesta d'in-ventari, remplazza e cumpletescha material tenor basegns.

(c) Ils revisurs da quen

Art. 18

Ils revisurs da quen controlleschan il quen e rendan rapport a scret alla radunonza generala.

4. Determinaziuns finalas

Art. 19

La dissoluziun dil club da skis Trun sa mola radunonza generala decider, sche silmeins 2/3 dallas vuschs presentas garegian quei. Tier la dissoluziun dil CST vegn la facultad dil club deponida sin canzlia communal.

Quella facultad resta sin canzlia communal, tochench'ei vegn puspei fundau ina nova uniun da quella natira.

Art. 20

Questas statutas remplazzan talas digl onn 1977. Ellas ein vegnidas approbadas dalla radunonza generala dils 23 da matg 2025 e passan immediat en vigur.

7166 Trun, ils 23 da matg 2025

Club da skis Trun

Il president :

Daniel Maissen



l'actura:

Anita Alig

